

- Libër i ri me poezi i shkrimtarit Visar Zhitit në Itali -

RRUGË QË RRJEDHIN NGA DUART E MIA

Doli në Itali libri me poezi "Strade che scorrono dalle mie mani" i Visar Zhilit, botim i Shtëpisë Botuese "Puntoacapo Editrice" në Alessandria, qendër e Piemonte-s, e specializuar në letërsinë kontemporane..

Lajmin e jepte shtëpia botuese, duke e nisur me një fjali poetike:

Pavarësisht ditës së vranët, rrezet diellore arritën sot me një stampim gjurmëfreskët. Më së fundi erdhi në redaksi përkthimi me peshë i Elio Miracco-s me tekstet e originalit përballë, "Rrugë që rrjedhin nga duart e mia" (*Strade che scorrono dalle mie mani*) të Visar Zhilit. 300 faqe të mbushura me përvojat dhe vizionet e poetit që Eco, Grasso dhe Luzi e përkufizuan tashmë si një poet të qëndresës, pasi puna e tij si artist shenjoi në mënyrë të pashlyeshme jetën e tij të përditshme (për ata që nuk e njohin autorin, theksojmë vetëm se Zhitit konsiderohet si shkrimtar i madh i letërsisë së sotme shqipe dhe vuajti burgim nga regjimi diktatorial për 10 vjet për shkak të vargjeve të tij). Jemi krenarë që ky autor zbarkon në botimet tonë, të lumtur që kjo ndodhi falë punës së "EstroVersi Associazione Culturale", që prej vitesh jemi krah për krah dhe që ka mundësuar dhe mundëson zëra të huaj të lexohen dhe dëgjohen gjatë qëndrimeve këtu në Itali. Antologjia e Visar Zhilit përmbledh poezi nga librat e mëparshëm, por edhe të reja. Në kopertinë është piktura "Mendim rinor" e Maurizio Caruso-s, ka disa të dhënat për autorin dhe vleresime nga personalitetë të shquara të letërsisë.

KANË THËNË MBI VISAR ZHITIN:

Shihni... historinë e Visar Zhilit: mjaftoi që ai të shkruante poezi të konsideruara "hermetike dhe të trishtuara", pra dhe armiqësore ndaj regjimit... dhe me të drejtë e dënuan me dhjetë vjet burg.

Poezia tremb regjimet autoritare dhe diktatoriale edhe nëse flet, si në rastin e Zhitit, vetëm për trëndafila.

Umberto Eco

Në ato burgje Zhitit është mbajtur përvite me rradhë, i pambrojtur përballë dhunës dhe arbitraritetit. [...]

Por këto janë dhe faqe fitimtare të poezi. Liria mbështet vargjet e Visar Zhilit edhe kur janë të mbytura nga argumente të errëta. Dhe na shfaqet lakuriq me pamje të plotë monstruoziteti i një tiranie. Dhe çlirohet nga kjo morsë një poet i fortë dhe i vërtetë.

Mario Luzi

Poet dhe gladiator. Poet dhe muzikant. Poet dhe kalorës i Varrit të Shenjtë. Poet dhe artist. Poet dhe ushtar. Poet dhe punëtor hekurudhash. Poet dhe falltar. Poet dhe doktor. Poet dhe mërgimtar. Poet dhe engjell. Për të mos iu dorëzuar një dëshpërimi pa rrugëdalje, Visari shpik dita-ditës paraqitje dhe role të ndryshme, sepse në fund dëshiron të mbetet vetëm poet.

Sebastiano Grasso
President i Klubit PEN Italian



Piktori Maurizio Caruso me librin e porsabotuar



Maurizio Caruso: "Mendim rinor".